

續修四庫全書



《續修四庫全書》編纂委員會編

續修四庫全書

上海古籍出版社

一一四二・子部・雜家類

庸閒齋筆記十二卷〔清〕陳其元撰……………一

白虎通疏證十二卷〔清〕陳立撰……………二〇五


新刻釋常談三卷佚名撰……………三八三

困學紀聞注二十卷（卷一至卷十）〔清〕翁元圻撰……………四〇三

庸閒齋筆記

〔清〕陳其元撰

據華東師範大學圖書館藏清
同治十三年刻本影印原書版
框高一三四毫米寬二一〇毫米



昔春秋於隱桓則書家父凡伯仍叔之子蓋皆大雅
舊人見故家遺俗猶存也孟子亦稱故國不在喬木
而在世臣三代以下如晉之王謝唐之崔盧皆以衣
冠舊族爲時所重求之我
朝若海甯陳氏其亦所謂名宗望姓鼎族高門者乎
余於陳氏識子莊太守蓋吾舅氏姚平泉先生之高
足弟子也出方雅之族兼文學政事之才同治初受
知於左季高相國疏薦於
朝筮仕吳中曾文正公及李少荃相國皆器重之歷
庸閒齋筆記序
宰大縣所至有聲論者至比之陸清獻近年歸老於
家泉石優游居多暇日乃娛情翰墨著庸閒齋筆記
一書首述家門盛蹟先世軼事次及游宦見聞下逮
詠諧遊戲之類斐然可觀昔宋范公偁爲仲淹元孫
所撰過庭錄多述祖德閒及詩文襍事此書殆其流
亞乎余勸付剞劂以廣其傳讀是書者當歎王氏青
箱具有家學叢談瑣語亦見典型固與寒門素族殊
也
同治十有三年太歲在甲戌陽月德清俞樾

序

同治壬申之秋解組歸來僑寓武林兵燹之後休養生聚又十年矣老成凋謝昔日知交存不十一族中耆長尤爲零落卽與余伯仲行者亦復寥寥歲月不居無怪吾衰之甚也端居多暇嘗舉吾宗舊事與兒輩言之恐其遺忘筆之簡牘俾免數典忘祖之訖殘冬未盡條已成帙今年因公事帶跡吳門半載日長務閒追念平生舊聞及身所經歷目睹事有所記憶輒拉雜書之紛綸叢脞雖該諸郵事無所不登而

庸閒齋筆記

序

國典朝章莊言至論異聞軼事軍情吏務及展卷所得者間亦存焉隱惡揚善事徵諸實不敢爲荒唐謬悠之譚如碧雲駉綴錄之誣詆名賢庶幾歐陽文忠歸田錄所言以唐李肇爲法而少異者不記人之過惡君子之用心當如是也合之前編共爲八卷約十萬言名之曰庸閒齋筆記聊以自娛亦可供友朋抵掌劇談之一助云爾同治十有二年歲在昭陽作

羅斗指酉庸閒老人漫識于行葦堂時年六十有二

庸閒齋筆記卷一

海昌 陳其元 子莊

余家系出渤海高氏宋時以勛戚隨高宗南渡籍隴安始祖東園公諱諒者明初居仁和之黃山遊學至海甯困甚偶憩趙家橋上忽墜於水陳公明遇設豆腐肆於橋側晝寢夢青龍蟠橋下驚起見一男子方入水急援之詢知世族乃留之家公老無子止一女因以女女之而以爲子焉東園公傳爲月軒公諱榮承外祖姓爲陳氏而世其商業業腐者起必以戊庸閒齋筆記 卷一

夜一日者於門隙見雙燈野外來潛出窺之則一儒衣冠者一道士也道士指公室旁一地曰此穴最吉葬之子孫位極人臣有一石八斗芝麻官數儒冠者曰以何爲驗曰以雞卵二枚坎其中明日此時雞子出矣乃於懷中取卵埋之而去次日公起磨腐忽憶前事往探其處則闐然二雞雛也正駭異問又見雙燈遙遙至雛已出壳不能埋急於室中取卵易之而屏息以伺二人者至指之則仍卵也儒冠者咎其言不警道士遲疑良久曰或氣運尙未至耶遂去不復

返居久之公乃奉東園公骨殖葬其中二世之後遂有登科者至今已三百年舉貢進士至二百數十人位宰相者三人官尚書侍郎巡撫布政使者十一人科第已十三世矣初葬時植檀樹一株於墓上堪輿家稱爲海甯陳氏檀樹墳

聖祖仁皇帝南巡時聞其異曾駐蹕觀焉

十世祖風山公諱中漸月軒公曾孫也爲諸生以春秋名其家性落拓喜周人之急所貸予常折券不責償市有持廣銀行哭甚哀公問知爲里僧所欺即自

庸閒齋筆記

卷一

上

探懷中銀如數予之有丁氏鬻產既收價徒矣復據之公憐其貧爲更授價及割他產予之如此者三歲早出穀三百斛賑饑者卽一鄉之人禱雨雨亦獨偏一鄉鄉人語曰天道不偶視陳叟其爲德類如此公歿後邑人請祠之鄉賢入祀之明日而芝生於祠之左楹明日又生三日又生其數七至九其廣六七寸至三四寸其色紫其狀若牡丹其香細縕若都梁雞舌然邑人觀之無不歎爲奇瑞乃署其樓曰紫芝吳人王穉登爲之記公二子長與郊以進士官至太常

寺少卿次卽余九世祖與相以進士官至貴州布政使孫祖苞官蘄遠巡撫曾孫之選官少保宏文院大學士是紫芝之祥也

少保素庵相國未第時以喪偶故薄遊蘇臺遇驟雨入徐氏園中避之凭欄觀魚久而假寐園主徐翁夜夢一龍臥欄上見之驚與夢合詢知爲中丞之子且孝廉也遂以女字之所謂湘蘋夫人是也夫人工詩詞精繪事嘗以從宦不獲供奉吳太夫人甘旨手畫大士像五千四十有八幅以祈姑壽世爭寶貴

庸閒齋筆記

卷一

三

聖祖曾取入內廷寵以

御題尤爲閨閣中榮事東園公暨公皆以外舅夢龍得偶一則貴於子孫一則貴於其身龍亦靈怪矣哉六世從祖文簡公生而岐嶷三四歲時每於睡夢中一聞梵唄聲必驚起合掌趺坐母夫人知其有自來也撫之曰兒既生我家當從事聖賢之學此佛氏之教不足循也公嘗聽已卽臥從此聞經唄聲不復作矣比長博極羣書以貢入成均旋中京兆試文名藉甚上達

宸聰已未科會試適婦翁長洲宋文恪公充總裁官公以嫌不與試是日

聖祖臨朝閱禮部奏迴避事指公名以詢廷臣羣臣以宋係陳婦翁對

上曰翁婿何迴避之有可趣令入試時日已屆亭午闕中將放飯矣忽傳鼓啓門奉

旨特送舉人陳元龍一名進場然公仍以嫌被屏乙丑科會試中式總裁以十卷進呈公卷列第十

上拔置第二

庸閒齋筆記

卷一

四

殿試

上復親擢爲一甲二人賜進士及第非常

曠典爲從古所未有也

文簡公既入翰林

聖眷優渥屢從屬車豹尾卷阿矢音之作一時稱盛會都御史郭琇劾高文恪公士奇指公爲交結有叔姪之稱得旨一并休致公奏辨謂臣宗本出自高諸牒炳然若果臣交結士奇何以士奇反稱臣爲叔事遂得白再擢掌院學士吏部侍郎巡撫廣西人皆賀

之宋夫人獨愀然不悅者累日曰一門羣從咸列清華我夫子乃出爲粗官令我慙顏於姊妹矣事載全太史祖望文集中所撰廣陵相公傷逝記時弟兄叔姪中清恪公爲春卿文和公爲冬卿而齋公爲司寇苑廬公亦貳宗伯夫人之姊妹夫太倉王相國揆方掌鈞軸海甯顧侍郎合肥李宮詹長洲繆宮贊同在朝列故夫人云然不數年亦入總西臺

世宗即位授公宰輔之任矣

清恪公諱詵精堪輿之術撫貴州日猺獞屢發爲

庸閒齋筆記

卷一

五

惠公周覽其城郭曰陰陽向背均失其宜禍害所由來也遂奏請築而更之既成曰從此百年可無兵燹至道光末年賊始蠢動距築城時已百五十年矣公嘗於海甯相得一地以重值購之而不用暮年官禮卿在京邸次子卒於籍家人求葬地查夫人以所購地與之公聞之怒遽請告歸歸而諸宗戚迎之公不還家先詣宗祠於祖父無爲公神主下取一函示宗戚啓之則內書一行曰某年月日時改葬無爲公於某處卽所葬次子之地也公愀然曰余半生涉歷乃

得此地地之吉與檀樹墳等不敢自私而留以葬吾祖思與伯叔弟兄共之今乃以葬吾子負初意矣然年月日時皆未至恐不能善則又詣葬處視之頓足曰葬師無識偏左丈許壞此佳城可爲惋惜因指其旁一大樹令掘之掘下三尺得石匣中有書曰某年月日時葬無爲公於此公因歎家門祚薄不能得此吉壤衆曰何不再移葬之曰地氣已洩不可用矣衆曰然則此地遂無用乎曰後六七十年子孫當有武官至一品者至嘉慶初元公會孫體齋公用數官安

庸閒齋筆記

卷一

六

徵巡撫兼提督授一品封爲振威將軍

公左足下有赤痣每自詡爲貴徵黃夫人者公配查夫人之侍婢也嘗爲公濯足手捧足而視其痣公笑曰婢子何知我所以官極品者此痣之相也夫人亦笑曰公欺我公足祇一痣已貴爲公卿何以我兩足心均有赤痣而爲婢女公聞之驚使跪而視之信遂納爲適室生二子長文勤公世信官宰相次閻齋公世侃官翰林查夫人亦生三子皆登科第廬仕世目公門爲五子登科云

文勤公年少登科敏歷中外垂六十年年八十始得請

予告歷掌文衡門生故吏徧天下相

高宗者十七年福壽近世罕比生平崇節儉講理學每敷奏及民間水旱疾苦必反覆具陳或繼以泣上輒霽顏聽之必笑曰汝又來爲百姓哭矣事載洪太史亮吉東生集中然秉賦甚薄每日飯不過一盞或啜蓮實少許即可度一日而年躋大耋信壽算不在飲食之多寡也都中嘗有一替者善揣骨相公與

庸閒齋筆記

卷一

七

溧陽史文靖相國屏車騎往訪之警者揣文靖未半卽跪而呼曰中堂洎揣公則曰此乞丐也文靖呵之曰此陳中堂警者揣之良久又抱其身搖之愕曰眞乞丐也烏得欺我公笑曰大約以我無食祿之故耶乾隆第六次

南巡公已歿矣時

諭祭歷代名臣自周公以下止三十餘處

特命以公及文簡公列入尤異數也

歷朝官制不同然一朝之中亦復前後互異我

朝凡一甲一名及第者均授職翰林院修撰故有殿撰之稱而六世從祖丙齋公司寇則曾官翰林院修撰兼左春坊左諭德司寇諱論以三甲進士由庶吉士授檢討遷此職故吾家雖無狀元而有修撰

報施輪迴之說豈盡無憑哉先大父穀堂公嘗爲子孫言高祖塋南公諱鑣官雲南首府時總督某公貪暴無藝稍忤意旨卽加以白簡諸官奉令惟謹一日者飭雲南守購赤金二百兩公承命向肆中買金每金兩十六換資金開價投入總督大怒不受自是指庸閒齋筆記卷十

八

款糾劾
天子命諸城劉文正相國來按是獄公上謁相國以首府必總督私人拒勿見而使緹騎圍督署搜索得通賄簿某若干某若干錙銖無漏而於雲南守名下則大書曰某日送赤金二百兩索價十六換發還等字遂大重公總督拘於請室昔時趨附輩無一人過問者公乃爲之納橐餗俱衣履比奉

命鎖挈進京又餽白金千資其行總督大感愧搶首

於地曰某無眼不識君此行若得生必矢報儼罪不赦來世爲子孫以報君比入都則

賜自盡越十餘年公以養親歸里久忘前事矣一日者坐書室假寐忽傳言某總督來方起迎之總督已至前珊瑚冠蟒玉如故狀向公跪曰來報恩欲掖之已直走入內室驚而醒正疑訝間則報生第四孫矣卽先大父也彌月後乳嫗抱之出見公卽莞然笑公撫其首曰兒他日不患不作官但不可再貪耳卽噉然哭先大父自言平生莅官行法膽極大獨一見貨庸閒齋筆記卷十

九

財則此心惕惕然懼其懲於前世之夙根耶塋南公晚居石門見近隣二童子奇其貌招之來家俾與先大父共讀卽陳學士萬青侍郎萬全也故名大父曰萬森

聖祖朝有以諸生獻賦而得

賜二品服者世以爲榮後來久無此

曠典矣先大父於乾隆五十九年在天津以大臣子弟迎鑾蒙

賜御書貂皮朝珠等件次日詣

宮門謝

恩適

上御樓望見指先大父問曰此人何以獨不掛珠軍機大臣以諸生未曾授職對

上曰朕所賜也趣命之服次日復掛珠赴

宮門謝

恩先大父嘗言未登仕版時金頂朝珠諺爲

異數比歷官牧守反無此榮耀矣其時先叔祖晴巖編修以諸生獻頌

庸閒齋筆記

卷一

十

賜大綬二端越十二年乃入翰林

先大父嘗言少時讀論語每不服孔子及其老也戒之在得二語謂人老則一切皆淡何須戒得比官滁州時年逾六十矣有獄事以萬金餽者已峻拒之去向者每睡就枕即酣臥是夜忽輟轉不寐初亦不解已乃自批其頰罵曰陳某何不長進若此遂熟睡如初旦語人曰我乃今始服聖人之言也

先大父居官清謹自持道光元年擢泗州事州地處下游每年夏秋之間城外半成澤國例請賑卹然當

賑卹之地民皆轉徙無可稽核悉以虛冊報銷故皖省有南漕北賑之謠公獨不肯辦觸怒上官幾致參劾遂解州事人皆以爲愚公但笑應之而已嘗謂余兄弟曰我雖不得此錢以清白吏子孫五字貽爾等不亦厚歟此事通州白小山尙書載入公墓志中前年余代理新陽縣事吏胥有請少報熟田多徵米者余曰祖不喫賑孫顧喫荒可乎一笑謝之

不爲良相卽爲良醫醫仁術也儒門事親一書且以能醫爲人子事矣然余家則有以醫致累者曾祖恬

庸閒齋筆記

卷一

十一

齋公侍母直太恭人疾口緇聞藥書至抱書臥中夜有省遂工醫官四川及長蘆時兩次奉

命馳驛入京暨熱河視裘司空福額駙疾蓋以二公上奏云臣疾非陳善繼不能生之故都中有陳神仙之名泊補天津縣知縣

上謂方制府以官爲酬醫之具加責讓焉曾叔祖宛青公諱漢精繪事亦善醫官禮部時和相國坤召之令視疾公咨於座主韓城王文端相國相國曰此奸臣爾去必以藥殺之否則後不必見我公遂謝不往

和卿之時已保送御史矣乃出爲肇昌知府繼又以失紅本事貶官知州

君相能造命然其間有幸有不幸者文簡公際遇

聖祖可謂千載一時至嘉慶年間叔祖晴巖公以戊

辰進士官翰林院編修公本浙西青宿文章名海內

仁宗嘗問富陽董文恭相國曰東南世家子弟在朝

列有文學者朕欲拔一人用之文恭即以公名對且

備舉其行誼會大考翰詹

仁宗閱其卷諭文恭曰陳傳經寫作俱佳已置一等

庸閒齋筆記

卷一

上

第一矣文恭告公私爲慶幸比榜出公名在三等大

惑不解越數日

仁宗又諭文恭曰曩本置陳傳經第一不知何時將

其卷夾入三等中惋惜久之文恭又告公以爲此後

必且大用而公遽病卒公生平最不佞佛臨終乃自

言前世是少室僧卒後無子有門生入室爲尼置喪

事恍惚見公僧服危坐亦奇矣哉公與文簡公皆似

高僧再世而遇不遇則各不相同此其中真有幸有

不幸

太常公隅園在海甯城內

本朝

聖祖

高宗六飛南幸駐蹕於是園

賜名曰安瀾於是海甯陳氏安瀾園名天下今遺囑

匪之亂已成荒煙蔓草矣嘉慶年竹崖伯祖文駿以

長蘆鹽運使道光年梅亭叔祖崇禮以四川建昌道

召見

仁宗

庸閒齋筆記

卷一

中

宣宗垂詢家世均問及是園

宣宗最重科目而梅亭公以佐貳起家心頗自危泊

陳奏及清恪支勤二公

上莞然曰汝固海甯陳家也遂擢都轉旋即秉臬開

藩道光時以佐貳蒙

簡用者止公一人固緣公之才亦由祖宗世德庇廕

也

明王洪洲參政圻家訓曰子孫才分有限無如之何

然不可不使讀書貧則訓蒙以給衣食但書種不絕

可矣若能布衣草履足迹不至城市大是佳事關中村落有鄭魏公莊諸孫皆爲農張浮邱過之題詩曰兒童不識字耕鑿魏公莊夫仕宦豈能常哉不仕則農業可安也不可以近於衣食爲市井衙門之事先大夫嘗言服官福建二十餘年家居又二十餘年歷數州縣同官之子孫能卓然自立功名逾前人者百中僅一二人能循謹自守不墜家聲者十中僅一二

庸閒齋筆記

卷一

五

人豈州縣官之子孫皆生而不肖哉飲食衣服貨財先有以泊其志氣卽不驕淫縱欲此身已養成無用之身一旦失勢歸田無一技之能無一事可做坐致貧困一也況居於衙署之中有淫朋以誘之有狡僕以媚之圈套萬端不中止自非有定識定力者鮮不爲其所惑二也而爲州縣之父兄方且營心於刑名錢穀事上接下之道無暇約束子弟子弟卽不肖亦無人肯聲言於父兄之前故有身雖在宦途而家計已敗壞不可收拾者歷舉數人數事爲之太息痛恨而已余兄弟幼時卽聞此論幸稍長卽歸家讀書未沾染此等習氣亦未遇此等牢籠先皆以訓蒙爲

事嗣名譽略起亦不過就記室之席刻苦甚於寒士故能稍稍自奮然不幸自身復作州縣五六年來時時以先大夫之言爲戒第不知己之子弟又何如矣余家自高祖勇南公以內閭中書迴避出爲縣令曾祖祖父及余身皆官州縣已五世矣綿延不絕是由先人謹慎刻厲有以維之思之可幸尤可懼也

梁吉盼上書救父古今豔稱之吾宗於

本朝得二人焉一爲六世從祖文和公敦永父定菴公以兄少保公誦塞外與於徙公上書訟冤格於吏議遂漉血草疏願代父行有緹縈以一女子尙能救

庸閒齋筆記

卷一

五

父臣荷

聖朝孝治敢惜微軀之語雖不得請然

世祖憐其孝次年卽得釋歸國人稱爲至誠所感

聖祖御極公以孝行蒙

宸眷累擢官至工部尙書一爲質庵叔祖容禮以父英德令沁齋公謫戍伊犁遂棄妻子隨侍以往跬步不離者十餘載嘗密請於將軍松文清公願以身代俾父得生入玉門公憐其誠據情入奏雖亦未奉

俞旨而孝子名布於域外矣父歿徒跣萬里扶柩歸葬廬墓三年後官江蘇通守松文清公入掌鈞軸書聯贈之曰攬勝寰中九萬里承懽塞外十三年蓋紀實也

余家王煙堂及渤海藏真等帖十餘種皆九世從祖贈兵部增城公所刻董文敏公其昌未遇時館增城公家者頗久故文敏公書吾家最多所書法華經小楷帖尤精絕文敏貴後嘗以鍾紹京靈飛經真蹟質金八百已而贖還既復以質則不再贖矣帖後附文庸閒齋筆記卷一

敏質帖贖帖書一通乾隆乙酉

六飛駐蹕安瀾圖曾以進

呈奉

純廟御批有永爲陳氏傳家之寶等字不知此帖何時落於嘉善謝氏今聞又歸常熟翁氏矣文敏當日見質時抽去十二行一頁不審此頁今亦歸翁氏否吾家所刻渤海藏真中少此一頁也庚辛之亂碑石爲賊取以築城賊平後搜討僅有存者今合諸帖爲一幀更名煙海餘珍云

余家以工書稱者頗多香泉太守及匏廬宗伯最有名太守少時夢登一樓滿貯隄廩有神人謂之曰供予一生揮灑自是書法日進以歲貢生受

聖祖特達知入直

內廷雍正十一年

世宗敕以公書勒石爲夢墨樓帖十卷

高宗愛其書與張氏天瓶汪氏時晴鼎峙焉事紀余翰林秋室集跋語中乾嘉以來四海爭購公書日本國王尤嗜之海舶載往輒得重值致故鄉幾無遺墨

庸閒齋筆記卷一

七

余所藏公草書庾子山春賦十二幅一時無對辛未冬張子青制府來上海閱機器余以制府爲今代書家懸之行館用供賞鑑有侯補道某公見之謂是惡札何可溷制府遽令撤去人皆以公資書名百年忽遭此厄爲笑壬申冬余謁制府談及公書制府亦有珍藏者余述某觀察語制府亦大笑公政事卓絕山西貴州江西皆祀名宦而循聲乃爲書名所掩公平時每夢至一處園亭山石極幽雅之致牆外有寺有塔心甚樂之如是者有年比守南安衙齋正如夢境

遂卒於官抱廬宗伯爲香泉太守之姪康熙癸未與弟文勤相國同入翰林

聖祖臨朝舉手謂文簡公曰大喜汝家又添二翰林矣公免冠謝舉朝榮之入直

南書房書法特荷

溫旨褒嘉

純廟御極命繕寫

御製詩

內府書籍

庸閒齋筆記

卷一

本

祕殿珍藏悉俾梵鑰游歷春卿數年之間扈從凡二十七次

寵遇之隆一時無兩居家撰著不下百數十種奉

敕所成者有歷朝題畫詩全唐文宋史補遺謚法考

諸書行草出入二王而得香光神髓卽顏歐虞褚及

宋四家無不研究過真蹟必擬元仿寫無間寒暑書

名傾動寰宇有舊土司金潯王噴成欲邀公尺幅以

爲家寶南中廣手不下數百輩公聞之略不計也然

公之文學亦竟爲書法所掩余在上海購得公所臨

靈飛經一冊張子青制府嘆爲精絕爲之題跋擬以入石尙未果也

乾嘉之際天下書家推北孔南梁梁卽山舟學士壽最高故書最多自經兵燹亦漸零落矣學士暮年書尤嫵媚此爲壽徵嘗言

本朝人不以書名而其書必傳者一爲陳文簡公一爲陳句山太僕語載梁紹壬孝廉秋雨盒筆記中太僕以文章著公以經綸顯皆掩其書名

浙江之大患莫若海塘歷朝修築糜帑金至千百萬

庸閒齋筆記

卷一

本

至今日而尤亟矣六世從祖宋齋公生於海甯居於海鹽於海塘情形最爲熟悉嘗爲兩邑之近海隅同被海患同而修法則各不同甯邑海在南面離山旣遠塘外沙時時漲潮自東而西不慮其平滿而慮其方來潮頭雖高而急水必從沙底滾刷沙愈去則水愈近塘而塘難保矣古人修海甯塘設立排椿木樁之法蓋用排椿以護沙用木樁以護排椿皆於塘外着力使沙日積而水漸遠迨潮至平滿齊塘強弩之末不穿魯縞所以甯邑海塘只用條石不須過於長

厚惟審其捍禦之道全在塘外也鹽邑海在東面離山甚近塘外沙不坍漲潮自下而高不慮其排決而慮其衝吸石縫稍疏則內土必隨潮滾出土愈去則石無所附而塘亦危矣古人築海鹽塘設立縱橫疊砌之法蓋石大則負重難撼木曲則勢緩易當要於塘身着力使土日固而塘可久倘石有欹斜墊塚千金之堤潰於蟻穴所以鹽邑海塘不用小石必須極其長厚惟審察捍禦之道全在塘身也甯邑海塘莫患於潮頭逼塘入手毫無阻攔塘外日深難於措手

庸閒齋筆記

卷十

辛

鹽邑海塘莫患於潮頭頂衝修築務期堅固餘外次衝便易着力至於大風沓潮名爲海嘯又有非人力所能捍禦然古人慮之深矣故甯邑海塘內有六十里塘河鹽邑海塘內有白洋河既以取土培塘可使上塘常加堅厚又以各路分消不使海水灌入田畝此則海塘善後之策也公關心桑梓於海塘一事講究不遺餘力當時治海塘諸公咸稱公之經濟能得古人因地制宜之意奉爲圭臬故雍乾以來數十年浙西無海患者以此也公諱訐字言揚別號宋齋曾

官温州府學教授年八十時第三子存齋公世僅以河南按察使兼署布政使入

覲蒙

世宗垂詢公年齒履歷

御書松栢堂匾額并人參貂皮甯絢等物以賜公并諭爾父有德有壽給他老人家歡喜欽此公因自號歡喜老人以志

恩遇云

吾家得道學之傳者爲七世祖簡齋公及六世從祖

庸閒齋筆記

卷十

辛

乾初先生簡齋公從學漳浦黃石齋山陰劉念臺兩先生之門稱高足弟子嘗論學在天地有宗有翼宗之者一人翼之者數十人所謂疏附後先也堯舜去人其間亦邇禹臯伊萊望散亦止略舉以例其餘顏曾既往董韓未與孟子以一身任仲尼之道之重有宗無翼所謂軻死而不得其傳者已於篇末無有兩嘆禹之孟子之憂患深矣有宋絕學既明至考亭而集成門徒甚盛史不勝書迄於元明之際許姚趙賈洛學行於北金吳虞許閩學彰於南以逮柳黃吳宋